

VÆSTIO MEDICA MATVTINIS AGITANDA DISPTATIONIBVS IN SCHOLIS

medicorum¹, die iouis I. Decemb. M. CLAVDIO DE POIS Doctore Medico moderatore.*An medicus homini Deus?*

VÆCUMQVE sunt hominis, *φύσις, ἕρως* si quis alius ac Deus alter apprime nouit medicus. Eius mentem ἀπαρδιότης ἀ' φησιν, ἀφ' ἧς ἐστὶν ἐς suprema mente tanquam diuinæ particulam auræ deducit, proximam vero corporis originem, animato parentis vtriusque semini, atque muliebri menstruo, primam vero atque summam quatuor rerum primordiis igni, aëri, aque, terre repressa qualitarum exuperantia, *καὶ ὅσα* permittis tribuit, atque vt ex hac substantiarum elementarium, principumque qualitarum concretionē, varias in humano corpore temperamentorum differentias, vnum temperatum, octo intemperata, colligit, quin & vniuerso homini suum temperatum, ad pondus, scilicet & ad iusticiam, singulisque corporis partibus, ætatibus, sexui temperamentum assignat, cerebrum frigidum, cor calidum, pueritiam calidam humidam, senectutem frigidam siccam, virum fœmina calidiorem, atque ira de ceteris duce tactu, comite ratione statuit, sic & conceptio in vero semine, eoque menstrui lapsum sensim ad ulto, partes alias spermaticas, alias similes, alias sanguineas, alias organicas, humore illo feminali, oleoso, primigenio conspersas effingi caloris insiti miranda vi, partes omnes suas facultates obtinere, atque inter principes cerebrum, animale motu sensuque reliquis per nervos concessio, cor vitalem per arterias vitali spiritu transmissio, iecur naturale sanguine nutritus & accretionis ergo per venas distributo, testes procreatricem elaborato vltimo partium alimento in naturæ fundum mulieris vterum recto tramite coniecto conspicuam animaduertit. Earum facultatum ope, spiritu triplici per superiores tubos influente, vitam contineri, functiones omnis generis, nutritionem, accretionem, procreationem, pulsum, respirationem imaginationem, memoriam, ratiocinationem proprio partium temperamento adiutas exerceri. Denique quatuor humores, cum suo sero ab hepate continenter gigni, excrementa primæ, secundæ, tertiæ coctionis ad vitæ tutelam ac diuturnitatem assidue fecerni conspiciunt.

QVE vero satis esse putat eximiam corporis structuram tot facultatibus adornatam intelligere, nisi & integram quantum, & quandiu licet, tueatur atque conseruet, triplicis substantiæ spirituosæ, humidæ, ac solidæ, iacturam re faciat. Quam in rem aërem liberum, persflatum, lucidum, temperatum, vt & potum vini optimi, clari, tenuis, odorati, flauis, vel sub rubri, mediæ ætate, & vi, eiusdemque moderate diluti, hyemum meracius, tum parcius, vere, & æstate, tum copiosius, tum dilutius sumere statuit. Cibis *ὁκρῶσις, ὁ πένσις, ὁ ἔσθης* utendum docet, Polychymis, ab arte pistoria paratis, fructibus horariis, crudis, itemque ab acribus, piperatis, acutis, salis, dulcibus, omnique excellenti qualitate præditis interdicat. Quæ omnia vt integram saram rectamque sanitatem seruent, exercitationem vt frictionem matutinam (qua corpus redditur *ἀνδραφῶπις*) leues per amena, atque virentia loca æstate, sub umbra, procul ab arboribus noxiis nuce, narcisso, taxo, aliisque rore suffusis insici credita commendat, vt à labore quietem. Horis autem duabus à cœna, somnum, per noctem circiter horas octo inire suadet, diurnum damnat, vt & vigilas immoderatas, scilicet attenuant iuuenum vigilatæ corpora noctes, ne minus de singularum corporis partium excrementis sollicitus esse solet, immo & veneri modum statuit, cuius, vt abstinentia licet corpus impleatur ventriculus tamen, & corpus confirmatur, ob id sæpius monet, vt utis connubij longis ex intervallis perfoluatur quod scilicet vigorem, alacritatem, meliorem spirationem post se potius relinquat, quam tristitiam, segnicie, exolutionem. Denique animi perturbationes, iram, tristitiam, sollicitudinem, intempestiua studia, meditationes longas, atque intentas, curas graues, & si quæ sunt alia animi pathemata, quibus corpus varie solet affici, quantum potest enititur compescere.

NIMVERO ab infestissimis naturæ hostibus, affectibus scilicet contra naturam corpori insidentibus, eiusque functiones lædentibus, morbis ac symptomatis hominem vindicat, causas horum procatanicas, antecedentes, vtrâque plethoram tam ad vasa, quam ad vires, & caco chymiam quamlibet minuit, & expurgat, coniunctas vacuat, mox omnem intemperiem simplicem, cum humore coniunctam emendat, sicque partibus similibus suum temperamentum restituit, meatus per quos distribuuntur, feruntur contenta, adstrictos dilatat, obstructos soluit, nimiam partis capacitatem coarctat, perperam exasperata læuigat, vitiatam corporis aut partis figuram corrigit, exuperantem magnitudinem & numerum reprimat, dimotas partes sua sede reponit, mutuamque partium societatem, atque connexionem, quantum natura, & ars patiuntur, restituit, sicque suam instrumentum sanitatem reddit, fractis, fissis, punctis, incisis, ruptis, & aliis id genus contritui solutionibus medetur. Denique morbis omnibus solitariis, comitatis, compositis, implicitis, connexis, consequentibus, separatis, manifestis, occultis, venenatis, pestilentibus, contagiosis opitulatur: Sicque tria omnino symptomatum genera, actiones læsas, simplices corporis affectus, excrementorum vitia, sublati tum morborum causas, tum morbis cogit euanescere.

VOD vt facilius præstare possit, hoc est morbos sæpius in intimo corporis recessu conditos depellere, signa omnia diligenter inquirat, quorum subsidio partem affectam, morbi speciem, causam, euentum pernoscat, pathognomonica præcipue notat, nec assidentia, sine communia spernit, eaque vnde cumque petit ab excrementis, actione læsa, doloris proprietate, situ loci, natura, colore, propriis accidentibus, ægri moribus, insomniis, rebus iuuantibus, aut lædentibus, proprio corporis partiumque principum temperamento, natura à parentibus inducta. Et inter actiones pulsum imprimis cordis arteriarumque motum, ex diastole & systole constantem, natui caloris moderatorem, salutis aut necis indicem contemplatur, diastoles illius quantitatem, vehementiam, arteriæ qualitatem, perfusionem, ictuum intervallum, æqualitatem, inæqualitatem anxie disquirat, causas horum omnes secum reputat, quas in facultatem moventem à corde profectam, in instrumentum puta arteriam, & vsum refert, indeque virium robur colligit. Sic in excrementis, vinas, serum vehiculum sanguinis renum vi secretum, alui fœces, vomitus varios, sudores specularum, nec cerebri mucus, spura, aliaque vniuersi corporis partiumque excrementa prætermittit, corporis molem, charactere, colorem intuetur, omnia denique quæ præter naturam ægris solent contingere sigillatim notat, vt certam in arte maxima ex parte opinabili ac coniecturali, ex iecoris, principumque partium & humorum statu morborum diagnofin, prognofin, atque therapieam possit instituire.

EC illi labor hic inanis est, in hominis sibi proximi vsum susceptus, sic enim præsidia omnis generis illi comparat, diætetica, chirurgica, pharmaceutica, frigidis calidam intemperiem emendat, calidis frigidam, immodicam exuperantiam in plethora deplet, turbulentam humorum agitationem, atque fluxionem sedat inhibet, & reprimat, caco chymiam, per vomitum, aluum, vterum, vinas, sudores aliaque partes vacuat, crassa tenuat, lenta deterget, acria frigida atque glutinosa illinit, partium laxitatem intendit, corruptionem alexiteriis, ac alexipharmacis inhibet, continui solutioni medetur glutinantibus, fæcoticis, epuloticis, atque in conquirendis mari, & terra, vndiquaque medicamentis, semper per contraria curandi legem seruat, obseruat indicationibus à morbo, viribus ægri, temperamento, habitu, consuetudine, anni tempore, cœli constitutione, & aliis, nil nisi experientia causarum morborum, signis omnibus perspectis, molitur occasio, & oportunitatem medendi semper arripit, ne quid in consilio ac temere, spagyritarum more, fecisse videatur, quorum in arte medendi tanta est imperitia, vt neglecta tot rerum necessariarum cognitio, cuique promiscue suum in dolore laudandum *ἀνδρῶν* offerant, croco metallorum, stibio varie præparato, hydrargyro sublimato, vitriolo albo, aluum, deiectiones, sudores promoueant, magno ægrorum detrimento, inusitataque nobilibus partibus, præsertim ventriculo & intestinis labe, quæ nulla post hac arte possit elui, in hoc hominibus lupi, à veris medicis multum dispares, qui hominis, cæterarumque rerum notitiam habent, in hominis vtilitatem omnia referunt, sanos conseruant, ægros liberant, felicitateque reddunt.

Ergo medicus homini Deus.

Asserebat Lucetiæ GASPAR BRAIER, Castrithierricus, Anno. R. S. H. M. DC. XVI.

DOMINI DOCTORES DISPTATVRI.

M. Joannes Martin.
M. Michael Seguy.
M. Petrus le Comte,

M. Egidius le Blanc.
M. Guillelmus de Vailly.
M. Ioannes Maunoir.

M. Stephanus de la Fon. Prof. Reg.
M. Carolus Bonnard.
M. Claudius Charles. Prof. Reg.



545